



# Lescha da pumpiers

per la vischernaunca Lumnezia

## Cuntegn

I.	En general	3
Art. 1	Intent	3
Art. 2	Equalitat dallas schlattineas	3
Art. 3	Dretg surordinau	3
II.	Organisaziun ed incumbensas	3
Art. 4	Survigilonza generala	3
Art. 5	Suprastonza communal	3
Art. 6	Corp da pumpiers, 1. Incumbensas	4
III.	Obligaziun da prestar survetsch da pumpiers e taxa da cumpensaziun	4
Art. 7	2. Obligaziun	4
Art. 8	3. Dispensa dil survetsch da pumpiers activ	4
Art. 9	Relaschada anticipada	5
Art. 10	Taxa da cumpensaziun	5
Art. 11	Dispensa da pagar la taxa da cumpensaziun	5
Art. 12	Disposiziun transitoria	5
IV.	Dretgs ed obligaziuns	5
Art. 13	Obligaziuns da survetsch	5
Art. 14	Segirada	5
Art. 15	Salarisaziun	5
Art. 16	Equipament persunal	5
V.	Alarm/seracass	6
Art. 17	Alarm	6
Art. 18	Seracass	6
VI.	Menaschi d'exercezi	6
Art. 19	Menaschi d'exercezi	6
Art. 20	Dretg d'access/objects d'exercezi	6
VII.	Disposiziuns penales	6
Art. 21	Castitgs disciplinars	6
Art. 22	Exclusiun	6
VIII.	Mieds legals	7
Art. 23	Instanzas	7
IX.	Disposiziuns finalas	7
Art. 24	Vigur	7

## Aschunta

Reglament da menaschi pumpiers Lumnezia

## **Lescha da pumpiers per la vischnaunca Lumnezia**

dils 9 da zercladur 2013

La cuminanza dils votants all'urna,

sebasond sin art. 26 alinea 3 dalla Lescha davart la protecziun preventiva encunter incendis ed ils fatgs da pumpiers el cantun Grischun (Lescha davart la protecziun encunter incendis) dils 15-06-2010, en vigur dapi 01-01-2011 (DG 840.100) sco era sefundond sin la constituziun communal,

concluda:

### **I. En general**

Art. 1 Intent

La prevenziun encunter incendis ed ils fatgs da pumpiers ein caussa dalla vischnaunca aschilunsch che quels pensums schain buc en cumpetenza d'organs cantunals.

Questa lescha regla las incumbensas e l'organisaziun dils pumpiers dalla vischnaunca Lumnezia.

Art. 2 Equalitat dallas schlatteinas

Denominaziuns da persunas, funcziuns e professiuns en questa lescha serefereschan ad omisduas schlatteinas aschilunsch ch'ei resulta buc enzatgei auter ord il senn dalla lescha.

Art. 3 Dretg surordinau

Las prescripziuns dalla Lescha davart la protecziun preventiva encunter incendis ed ils fatgs da pumpiers el cantun Grischun e dalla Ordinaziun tier la lescha davart la protecziun d'incendis el cantun Grischun sco era tuttas prescripziuns e directivas cantunalas davart la protecziun encunter incendis ed ils fatgs da pumpiers ein senz'auter valeivlas, era sch'ellas ein buca menziunadas expressivamein en quella lescha.

### **II. Organisaziun ed incumbensas**

Art. 4 Survigilonza generala

La suprastonza communal ha la survigilonza suprema dils fatgs da pumpiers aschilunsch che quei stat en sia cumpetenza.

Art. 5 Suprastonza communal

Alla suprastonza communal cumpetan surtut las incumbensas suandontas:

1. Fixar il cuoz da survetsch tenor art. 7;
2. Fixar igl effectiv dil corp da pumpiers conform allas pretensiuns dalla Assicuranza d'edifecis dil Grischun;
3. Dispensar dil survetsch da pumpiers activ tenor art. 8;
4. Fixar la taxa da compensaziun tenor art. 10;
5. Eleger il cumandard;
6. Eleger ils vice-cumandardants, il furier ed il cau da material;
7. Relaschar in reglament da menaschi;
8. Exequir las incumbensas ch'ein buca adossadas ad auters organs.

**Art. 6            Corp da pumpiers, 1. Incumbensas**

<sup>1</sup> Il corp da pumpiers ha l'incumbensa da prevegnir generalmein a donns. Il corp da pumpiers presta immediatamein agid, specialmein en suandonts cass:

- a) Incendis ed explosiuns;
- b) Donns elementars;
- c) Tscherca e salvament da carstgauns ed animals;
- d) Donns ch'engrevieschan ni pericleteschan igl ambient;
- e) Intervenziuns el senn dalla lescha da protecziun dalla populaziun.

<sup>2</sup> Encuter indemnisiuzun sa la suprastanza communalia obligar il corp da pumpiers da surprender auters pensums, sche

- a) las enconuschienschas dils pumpiers ein sufficientas ed igl equipament necessari ei disponibels;
- b) las intervenziuns secumportan cun las incumbensas centralas dils pumpiers;
- c) la promptadad d'intervenziun sa vegrantia garantida nuninterruttamein.

**III. Obligaziun da prestar survetsch da pumpiers e taxa da cumpensaziun**

**Art. 7            2. Obligaziun**

<sup>1</sup> Persunas cun domicil ella vischnaunca da Lumnezia ein per regla obligadas da prestar survetsch da pumpiers. Quei vala era per persunas digl exterior cun ina lubientscha da dimora annuala.

<sup>2</sup> Dils habitonts che vivan en ina lètg u en in partenadi registrau ei mo in dils partenaris obligaus da prestar survetsch da pumpiers. En quei cass sedrezza il cuoz dall'obligaziun da prestar survetsch tenor la vegliadetgna da quel cul gudogn principal.

<sup>3</sup> L'obligaziun da prestar survetsch da pumpiers entscheiva igl onn el qual il 21avel anniversari vegr cumplenius e finescha alla fin digl onn el qual il 50avel anniversari vegr cumplenius. Tenor basegns sa la suprastanza communalia fixar otras regulaziuns en quei rom e sin proposta dalla cumissiun da pumpiers.

<sup>4</sup> L'obligaziun da prestar survetsch da pumpiers vegr ademplida cun prestar survetsch activ ni cun pagar la taxa da cumpensaziun. Negin sa pretender d'astgar far survetsch activ.

<sup>5</sup> La suprastanza communalia decida sin proposta dil cumandant da pumpiers, schebein obligai al survetsch da pumpiers han da far survetsch activ ni sch'els han da pagar la taxa da cumpensaziun. Tier quella decisiun eis ei da risguardar:

- a) la qualificaziun personala e professiunala
- b) il liug da lavur e da domicil digl obligau e la contonschibladad el seracass
- c) ils basegns dil corp da pumpiers

<sup>6</sup> Per scolarir la habilitad da survetsch sa il cumandant pretender da tut temps in attest dil miedi.

**Art. 8            3. Dispensa dil survetsch da pumpiers activ**

<sup>1</sup> Dispensai dil survetsch da pumpiers activ ein:

- a) commembers della suprastanza communalia;
- b) persunas clericalas e claustralas;
- c) commembers della polizia cantunala;
- d) persunas cun mendas spirtalas e corporalas cumprovableas;
- e) il genitur ch'educhescha persuls affons che van a scola ni pli giuvens;
- f) mummas en speronza ni tezzontas;
- g) persunas che prestan survetsch activ en in corp da pumpiers da menaschi renconuschiu dil cantun;
- h) students tochen igl onn ch'els cumpleneschan lur 25avel anniversari.

<sup>2</sup> En cass giustificai sa la suprastanza communalia era dispensar ulteriuras gruppas dil survetsch da pumpiers activ.

**Art. 9 Relaschada anticipada**

In attestat dil miedi che confirma ch'il survetsch da pumpiers activ seigi buca pli pusseivels ha per consequenza la relaschada anticipada ord il survetsch da pumpiers activ.

**Art. 10 Taxa da compensaziun**

<sup>1</sup> Persunas obligadas al survetsch da pumpiers che prestan negin survetsch da pumpiers activ pagan annualmein ina taxa da compensaziun.

<sup>2</sup> La taxa da compensaziun mutta sil pli pauc 200 francs e maximal 400 francs. La suprastanza communal fixescha la taxa da compensaziun mintgamai tenor ils basegns dil corp da pumpiers.

<sup>3</sup> Dimorants duront l'jamna ch'ein obligai da pagar la taxa da compensaziun pagan la mesadad dalla taxa.

<sup>4</sup> Persunas ch'arrivan ni che bandunan la vischnaunca duront igl onn ora pagan la taxa da compensaziun pro rata.

**Art. 11 Dispensa da pagar la taxa da compensaziun**

<sup>1</sup> Tuttas persunas che prestan buca survetsch da pumpiers activ sin fundament digl art. 8 ein dispensadas da pagar la taxa da compensaziun.

<sup>2</sup> En cass giustificai sa la suprastanza communal dispensar ulteriuras persunas da pagar quella taxa.

**Art. 12 Disposiziun transitoria**

Persunas che han adempiu l'obligaziun da survetsch per la fin digl onn 2012 tenor la legislaziun, ch'era valeivla da gliez temps ellas vischnauncas, las qualas fuorman actualmein ils vischinidis dalla vischnaunca Lumnezia, ein dispensadas da pagar la taxa da compensaziun, quei era sch'ellas fussen obligadas tenor la presenta lescha ed il niev reglament da menaschi pumpiers Lumnezia.

## **IV. Dretgs ed obligaziuns**

**Art. 13 Obligaziuns da survetsch**

<sup>1</sup> Ils commembers dil corp da pumpiers ein obligai da suandar ils cloms da survetsch.

<sup>2</sup> Els han da surprender las incaricas adossadas.

<sup>3</sup> Ils commembers dil corp da pumpiers san vegni obligai da seperfeciunar e da surprender scharschas da cader. Els han da frequentar ils cuors ed exercezis corrispondents e da prestar ils survetschs colligai cun lur grad ni funcziun.

**Art. 14 Segirada**

La vischnaunca procura che persunas che prestan survetsch el corp da pumpiers ein segiradas a moda usitada encunter las consequenzas finanzialas caschunadas entras in accident ni malsogna en connex cul survetsch sco pumpier. Plinavon procura ella per l'orientaziun dallas persunas pertuccadas.

**Art. 15 Salarisaziun**

Ils commembers dil corp da pumpiers vegnan indemnisi tenor il regulativ da salarisaziun dil corp, il qual ei integraus el reglament da menaschi.

**Art. 16 Equipament persunal**

<sup>1</sup> Igl equipament persunal vegn mess a disposiziun gratuitamein.

<sup>2</sup> Ils commembers dil corp da pumpiers stattan buns per tut ils donns vid igl equipament persunal ni material confidaus ad els, caschunai intenziunadamein entras diever maladequat ni per greva negligentscha.

<sup>3</sup> Il diever digl equipament persunal ordeifer il survetsch da pumpiers ei scumandaus.

<sup>4</sup> En cass dall'extrada ni relaschada ord il corp da pumpiers ei da returnar igl equipament cumplet.

## V. Alarm/seracass

### Art. 17 Alarm

<sup>1</sup> Ils pumpiers vegnan alarmai via numera d'urgenza da pumpiers 118.

<sup>2</sup> Il clom d'alarm succeda cul sistem d'alarm dalla Assicuranza d'edifecis dil Grischun. En cass da basegns procura la vischnaunca per ils apparats corrispondents tenor las prescripziuns dalla Assicuranza d'edifecis dil Grischun.

### Art. 18 Seracass

<sup>1</sup> Il menader d'acziun ei responsabels che l'obligaziun d'agir cun precauziun vegni risguardada duront l'intervenziun. Plinavon eis el responsabels per la promptedad d'acziun duront l'intervenziun sco era per la surdada dil plaz da seracass all'instanza responsabla suenter l'intervenziun.

<sup>2</sup> Sch'igl ei necessari mettan ils pumpiers ina guardia da fiug.

<sup>3</sup> Il persunal da vischnaunca, sco cau-fontauna e cau dil menaschi tecnic stattan tenor basegns a disposiziun al menader d'acziun. Il cau-fontauna informescha il menader d'acziun davart il provediment d'aua en vischnaunca.

## VI. Menaschi d'exercezi

### Art. 19 Menaschi d'exercezi

<sup>1</sup> Il menaschi d'exercezi succeda tenor las directivas dalla Assicuranza d'edifecis dil Grischun per ils pumpiers el cantun Grischun. Sch'ei fa da basegns sa il cumendant ordinari ulteriurs exercezis.

<sup>2</sup> Mintga pumpier retscheiva all'entschatta digl onn da pumpiers in plan d'exercezis. Quel ei ligionts. Vegg in exercezi stuschaus, ein ils pumpiers d'informar commensuradamein.

### Art. 20 Dretg d'access/objects d'exercezi

<sup>1</sup> Ils cussadents respectivamein ils proprietaris d'ina casa ein obligai da schar far exercezis en ni vid lur baghetgs e da dar access als pumpiers entochen las 21'30 uras.

<sup>2</sup> Ils objects d'exercezi ni parts da quels ein da duvrar cun tonta precauziun sco pusseivel. Ils proprietaris respectivamein ils cussadents dils objects vegnan orientai ad uras davart la tscharna d'in object d'exercezi. Igl ei da prender risguard d'eventuals cass da malsogna ni d'autras circumstanzias specialas.

## VII. Disposiziuns penales

### Art. 21 Castitgs disciplinars

Sin proposta dil cumendant da pumpiers sa la suprastonza communalia punir pumpiers che counterfan allas prescripziuns dalla legislaziun da pumpiers ni a camonds da superiurs cun in castitg da tochen 500 francs. En cass da surpassaments levs sa era mo vegrn admoniu.

### Art. 22 Exclusiun

En cass da surpassaments che serepetan ni ch'ein gravionts e counterfan allas prescripziuns dalla legislaziun da pumpiers ni a camonds da superiurs sa in pumpier vegrn exclusus dil corp da pumpiers e quei ultra dil castitg. La suprastonza communalia decida l'exclusiun sin proposta dil cumendant da pumpiers.

## VIII. Mieds legals

Art. 23 Instanzas

Encunter decisiuns ni disposiziuns dalla suprastonza communal sa ei vegnir recurriu enteifer 30 dis alla dertgira administrativa dil cantun Grischun.

## IX. Disposiziuns finalas

Art. 24 Vigur

Questa lescha da pumpiers va en vigur retroactivamein cugl 1. da schaner 2013.

Approbau dalla cuminanza dils votants all'urna Lumnezia, ils 9 da zercladur 2013.

Il president communal:

Duri Blumenthal

Igl actuar:

Marcus Cavegn

Approbau entras la Assicuranza d'edifecis dil Grischun cun decisiun ufficiala

Cuera, ils 10.7.2013

Assicuranza d'edifecis dil Grischun

Il directur:

Markus Feltscher

Igl inspectur da pumpiers cantunal:

Hansueli Roth